

Kodak Color Control Patches

0 10 20 30 40 50 60 70 80 90 100 110 120 130 140 150 160 170

3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28
29
30
31
32

22-6712
.3132
:6

6



閩都記卷之二十九

尹 閩清勝蹟

郡人



白侯官下崎舟行三十里為門清縣環縣治為儒學梅溪
 舖古井臺山昭顯廟龍江書院城隍廟董公祠社稷壇山
 川壇德懷廟黃師雍宅王濛宅鍾南山度仙橋芹山觀普
 賢寺賢良陂積善院鳳凰山陳祥道宅陳剛中宅陳良鼎
 宅石竹山菴 橋龍王廟鼎峯龍門菴檉峯山曇口橋佛
 跡石白雲寺陳祥道墓演溪仙人坐化石王臺山許儉宅
 龍爪石金沙堂薛丕廟武功廟偃草山鍾湖山留錢山大

帽仙峯石屋山龍都巖圓通菴朱頂山白面山

閩清縣在梅溪南里許去郡百二十里唐貞元中觀察使王翊請折侯官十里置梅溪場尋爲縣五代閩改稱閩清宋元國朝因之編戶九里其地清溪匯于大江清濁迥別屏山聳其前鳳凰南翔朱頂西舞廣八十五里袤一百二十里東抵侯官界一十五里西抵延平尤溪界七十里南抵永福界九十五里北抵古田界七十里宋設二鄉領十里元改二廂八里領二十二都國初九里今改二坊五都統圖七縣名梅溪舊無城惟東西北剏三敵樓置柵爲門曰迎恩在縣南曰大西門在縣西北敵樓在縣北縣治剏于五季宋熙寧間洪水爲災令徐絳新之洪武九年主簿鄭瑄重構縣樓廳事堂之北有觀風樓正統間燬于火知縣左輔新之嘉靖間知縣彭珥又爲增拓際留倉在中門內之西陰陽學在縣治西醫學在縣治東僧會司在普賢寺府館在縣治南

儒學在縣治東南宋景德四年令史溫卽廢廩地剏之洪武初知縣趙起居沈源茸治之永樂間知縣朱毅移明倫堂于聖殿之北學之東有射圃名宦祠在啓聖祠之左祀宋令史溫王亞夫元董禎蔡嗣宗明沈源朱毅余珍左輔黃鏜楊珣劉爲凡十一人鄉賢祠在明倫堂之右祀宋陳祥道陳暘黃師雍許將鄭自誠陳闡蕭磐許份明許瑤謝瑀凡十人

梅溪舖在縣治南東達眠石北通苑口梅溪在北和豐坊源出
永福由縣西五里入江

古井在縣治南昇平坊宋祥符間鑿泉脈自臺山清冽而甘
臺山在縣西南山勢平衍縣主山也

昭顯廟在縣西梅川相傳神姓陳事王審知有功于閩民爲立
廟宋咸平初知縣李念重建天聖四年淫雨爲沴高陵墊溺
廟在其下水不爲害元符間民一新之紹興元年賜額德威
三十年封昭顯侯 國朝洪武末知縣沈源建二從神祠于
廟之東西永樂十六年西戶火正統六年知縣吳清邑人陳
仲愚重建

龍江書院在縣東里許傍山之麓 國朝嘉靖間建祀陳祥道
及其弟暘山之巔有石塔

城隍廟在縣西

董公祠在縣西祀元縣尹董禎至順中爲邑政清而簡在官六
載民思祀之

社稷壇在城隍廟前舊在縣北今圯

山川壇在德懷廟前

德懷廟在縣南鍾山之陽神姓陳宋紹興三十年封威惠靈顯
侯

黃師雍宅師雍從黃幹學舉進士官監察御史論去史嵩之理

宗欲用爲侍御史見沮丞相鄭清之遷起居舍人兼侍讀清
之冀其少貶師雍終不爲屈

王激宅激字孔哲景泰間以國子生知巴縣爲政慈惠節儉三
年卒于官邑人歸其喪立廟祀之

鐘南山距縣里許上有盤谷巖舊傳有二人裹糧入山憩草屋
下忽一人自外至袖中出芋數枚撥落葉煨以相啖遲明遂
失其處但見木葉盈尺題詩其上云偶與雲水會不與雲水
通雲散水流後杳然天地空

度仙橋在鐘南山下舊傳黃天谷訪徐葛二子於此 國朝洪
武二十年知縣沈源建亭其上天順四年教諭馬能重修

芹山觀在鐘南山之左稱仙源道觀元末廢 國朝初重建舊

傳白玉蟾煉丹處 明徐渤過芹山觀草樹無塵月已新燒
丹曾有白真人雲封古洞仙源杳流水桃花處處春

普賢寺在護仁里五代梁貞明二年建有放生池又雙溪堂在
普賢寺前景泰三年建

賢良陂在縣東昇平坊邑人陳暘拜石得泉人獲灌溉之利暘
嘗應賢良科故名

積善院在縣南宋大中祥符三年建右丞許 村讀書處 宋許

將詩爲愛山居樂山居倍憶家菊黃來日蕊梅白舊時花水
澗離精劇霜晴別路除前林回首望空指暮天霞 又中秋

玩月爽氣冰天末清光滿域中共憐今夕魄不與昨宵同漏
永泠泠露庭虛瑟瑟風玉臺高下影猶在廣寒宮

鳳凰山在二都山勢如鳳凰展翼故名

陳祥道宅在鳳凰山下祥道微時與其弟暘卜宅于此祥道舉
進士暘應賢良科鄉人號其岩曰起傅祥道嘗著禮書一百
二十卷暘著樂書二百卷

陳剛中宅剛中祥道從子也建炎進士官迪功郎論恢復大忤
秦檜未幾胡銓劾檜貶昭州剛中啓賀有曰屈膝請和知廟
堂禦侮之無策張膽論事喜樞庭經遠之有人又曰知無不
言願借上方之劍不遇故去馳乘下澤之車檜益怒遂與

張九成等七人同謫差知安遠縣適有嶺寇剛中盡力撫定

冒瘴客死葬浙江西湖風篁嶺妻削髮爲尼剛中謫時過

吉州石村廟神以薦寃隆祐太后得免金寇者剛中題詩云

古廟新剛應論功石村能形文母夢忽訝佞人來海市爲
誰出衡雲亦自開乞靈如見告逐客幾時回卒不如願悲夫

陳良鼎宅在縣西南六都鼎嘉靖間嘗貢書士銓曹大駕南

巡良鼎伏闕下抗疏切諍上震怒廷杖論戍繫司寇獄

後有旨釋放隆初詔錄言事者良鼎已老不復出日稱

送陳太學歸闕孝重山陵龍興漢京諸臣多國是抗疏

獨諸生慷慨忠君志蕭條去國情不須悲放逐韋布自垂名

徐中行贈陳太學云千官扈從漢江行展禮山陵自 聖
情總爲垂堂危萬乘却教止輦讓 山生精誠不爲雷霆折肝
膽仍逢日月明世廟諫臣徵欲盡 各星猶自卧孤城

石竹山在昇平坊山之中有靈壇

龍王廟在縣東龍津宋宣和三年勅建政和六年賜額顯利元
泰定初重修

鼎峯在縣西梅溪環流其下

龍門菴在鼎峯之陽宋邑人林正卿誅茅構菴爲遊眺之地黃
幹記畧曰山折爲二支東西迎而相面俯而相就卒而交互
以相入海溪之水沿山而流若往而俯若低而觴若停而溜

莫知其所自出如是者十餘里然後聳爲雙巖瀉爲三灘崖
束難駛翠嶽澎湃露惟呈奇不可名狀

檉峯山在鼎峯之西北通尤溪上有檉樹根分而枝合大數十
圍蔭蔽數畝有鶴鶴棲鳴其間

異口橋在縣西宣政里崔曇溪口永樂九年知縣朱毅重建構
亭其上正統間燬于寇成化五年知縣左輔重建

佛跡石在曇溪旁盤石上有巨人跡故名

龍爪石在縣西十二都其石穹然 爲澄潭紫雲時見相傳禱

雨于此有龍懸一足石上大雨時至立祠 之扁曰紫雲堂
白雲寺在十七都賀恩里山勢高巖 木蒼鬱 石雲吐吞其上

中有仙峯巨石宋景祐三年建今為第一林 明徐燧過
白雲寺尋僧到白雲便覺遠塵俗空道少人跡流鶯處處聞
泉聲歸澗寂由色過橋分坐聽鐘起空林正夕曛

陳祥道墓在賀恩里白雲山之東

演溪在縣西十四都源出尤溪

仙人坐化石在演溪中宋張聖

人瞰以苦桃絕粒素

福人貌絕醜採薪山中遇異
人援筆作字言人禍福事後多

驗嘗演法水中坐化巨石傍有潭曰九龍潭遊魚羣聚

其中雖潦漲溢不散鄉人以爲異多

玉臺山在九都唐時有楊姓者煉真

鄉人築臺祀之旁有

井產蜥蜴禱雨數應山中石鼓叩之輒鳴

許儉宅在九都儉遊朱子之門三世不分異人稱真儒丞相鄭
柱之扁其堂曰孝友林翊爲記

金沙堂在金沙里宋紹興二十九年建 國朝正統四年重修

薛丕廟在護仁里名山之北薛丕居山中或傳其爲仙鄉

人卽所居廟祀之正統八年建

武功廟在仁壽里源宋紹聖 朝請 八蕭鑿在梧州值風

濤遙望江滸有廟默禱之雲中有三人 遂息磐感靈貺

拜謁祠下神果三人口感應曰靈應曰威應皆紫袍金帶號

將軍儼然如舟中所望者遂錄其 號以歸卽所居主山之

後祀焉

假草山在十八都舊傳永福張聖者宋紹興間為白雲寺頭陀嘗因餓牛見仙人圍棋山顛徒追莫及遂仆于地滾而下復滾而上所經草盡偃饒去復生

鍾湖山在十五都大江之西與侯官梅埔臨界下有鍾潭潭蛟龍出沒人不敢近其東有湖泥如浦激環生蘆荻菴傳其水應海潮盈一咸旱禱雨于此

留錢在縣西南十六都唐乾符間一夕雨錢山上有聲錚錚然及旦視之以億萬計樹木皆折故名

大帽仙峯在縣西十一都接永福界峯之巔相傳有鼓聲或月

鳴或歲鳴

石屋山在縣西十都山巔有石屋并小局相傳之

龍鄉在縣西孝百里高數百丈常有繞巖上或聞仙

鳥石巖在縣西舊宣政山嶺今嶺諸山皆俯視之唐薛秘

監行祠在焉

圓通菴在宣政里又有興福菴宋開寶二年建泗水菴宋景德四年建

朱頂山在十七都山乾符中山有池錫者家畜一鶴每旦輒飛鳴迴翔山間至暮乃歸因號其山曰朱頂林曰白鶴至今子

孫家焉

白面山在十九都有巖壁立其色白望之隱隱如人面下有温

泉涓涓不絕又縣東北賀恩山泉可澡浴為亭其

上

閩都記卷之二十九終

閩都記卷之三十

郡人 王應山 纂輯

郡西北古田勝蹟

由水口北行八十里為古田縣環縣治為儒學三侯堂邵

清宅劉侯廟林用中宅感溪靈應廟翠屏山醴泉道院吉

祥寺社稷壇溪山第一亭月山桃溪趙汝騰宅城隍廟紫

極宮利氏女宅曹山寺山川壇廣惠行祠林娥墓涵碧亭

磨劍石萬安橋煥文渠農橋唐璘仙嶺五華山蔣

國秀宅資聖院棲真觀極樂寺文宅浣溪書院蘇大

璋宅鳳沖峯城南書院幽亭章孝參宅螺峯書院順應

廟靈淵廟張彊宅杉陽鎮藍田書院西齋西峯寺大目寺
大夫峯豫陽公館迎泗橋竹園公館黃田驛谷口舖水口
驛永通橋醫運分司青山書院射圃真武祠順懿宮塔嶺
亭牛頭寺清風嶺滄峽

古田縣在翠屏山南雙溪匯流之上去郡城北三百二十里故
山峒唐開元二十七年置縣宋太平興國初遷八口端拱
元年復今所迄于元國朝因之編戶四十八里北峙翠屏東
挹龜山西枕北臺南際五華雙溪映帶廣八百三里袤二百
四十里東抵羅源二百四十里西抵南平一百五十里北抵
政和二百里南抵閩清一百五十里宋置四鄉領十三里元

析爲都 國朝因之元置四十八里城內五保外四十三都
統圖五十有九縣名玉田田中常產青玉故名 國朝宏治
十五年邑人布政羅榮請築城西北跨山東南瀕溪廣袤七
里高一丈七尺厚一丈周迴一千三百丈有奇爲門四東曰
萬安西曰永南曰迎恩北曰望闕水關五曰威武曰金井
曰朝陽曰玉灘曰觀瀾 國朝洪武三年知縣韓秉嘉建縣
署因元之舊改幕廳於堂之東堂之南爲樵樓樓之北爲中
門正德間知縣劉倫重修布政分司在縣北按察分司在縣
西府館在紫極宮之東際留石在縣北兼善坊僧會司吉祥
寺道會司在祐聖宮之西

儒學在縣西隅宋景德二年令李堪構之紹興間燬於寇知縣周彥耀移荆西郊其後屢更至寶祐二年知縣許鑒始定今所國朝洪武間知縣鄧恭重修學有文昌祠成化間知縣汪瑾移祀別所旼聖祠在文廟之北廟以宏治元年重建鄉賢祠在戟門西祀學士張以宣

三侯堂在儒學內祀宋知縣李堪李鑒丞鮑友龍

邵清宅在縣坊清元祐太學生嘗從張載學築室先塋之側子整布衣從子景之俱承家學

劉侯廟在雲津坊西祀唐劉彊祖自咸亨以來墾田爲業故置縣名爲古田邑人德彊立廟祀之宋崇寧初賜額忠惠政和

二年封應寧侯元大德

其廟學士張以宣撰記

國朝

洪武八年知縣鄧恭重修

林用中宅在縣北隅用中與弟

木子門人

感溪一名錦溪在保安里流至石平橋溪尾又東溪流至萬安橋下橫口滙東西溪於縣前

靈應廟在縣治西北臺山下祀宋縣令李堪嘉一聞知縣傅康請於朝賜廟額淳祐元年封遺愛侯

翠屏山在縣北保安田其形如屏邑之主山也學士張以宣宅其下其南爲醴醁山甘泉出焉

醴泉道院在醴醁山下元時建院中有亭項道人者煉丹得仙

術名其山爲仙亭

吉祥寺在縣治北宋太平興國四年建有石浮屠七級 國朝

成化間重修 明徐燉吉祥寺旅寄歲將闌空門且暫安僧

厨朝爨冷禪榻夜眠寒石塔穿雲古山鐘扣月殘非因愛岑

寂寥落閤歸難

社稷壇在縣西七里

溪山第一亭在縣北宋成化二年建有朱文公書扁今廢 明

徐燉過溪山亭址城東遺蹟古傳是紫陽祠亭廢狐狸嘯堂

空鳥雀悲西風 秋斜日草離離惟有寒溪水潺湲似舊

時

月山在仙亭山之旁形如半月故名 明高棟詩羣峯多獻奇

一峯狀如月半影出陰崖四時掛天闕松蘿映空構殿屋通

幽絕遊子愛清輝逍遙步林樾

桃溪在崇禮里黃蘗山下山有寶峯峯下小湖其東爲桃溪舊

傳有逋民由白沙溪泝流而上至此溪宛然若洞三時春風

微和天桃夾岸宛似武陵之勝 宋許當桃溪五咏桃溪一

何清想像武陵水所愛 山時灼灼花叢里漁舫日去來無

人識歸止安知歷幽源不遇神仙子 水德潤於物此湖無

謂卑溪壑有通源風濤無險期澤廣均田澮功高濟旱時好

看雷雨會騰踏起蛟螭 閩粵饒異山峩峩此稱奇青崖蔚

高林朝日常蔽虧上土訪幽趣結愛忘返期所以葵藿心江
湖寄遐思 金園做山阿翛然 墟晨夕鐘梵音颯杳五
雲外空花無盡香大乘有旨諦簿領律 淵徒倚青蓮地
天臺有高山嘗聞聖者居桃溪有古臺此尸為真如變現會
靈跡崔巍陵太虛願將不染心一仰光明餘 明王偁詩清
溪一帶緋桃花春來水上流胡麻東風尋源信搖擢雲中遠
見仙人家於茲水木相含景裊裊松杉亂天影少焉林壑衆
籟鳴巾鳥飛來片雲冷二三老翁住東陂薜衣霜 垂兩眉
問予何事在塵寰那似山中日月間乍逢靈境真堪悅區緣
未謝遠成別別後重來 時爰遶溪邊綠蘿月

趙汝騰宅在縣治西汝騰宋宗室累官禮部尙書數進諫言諡
忠清朝廷賜田宅以旌其廉

城隍廟在縣西里許景德間令李堪建 國朝洪武三年知縣

韓秉嘉重建

紫極宮在縣東

利氏女宅在縣治西建炎間利氏女獨與母居從兄公謙覬其
家貴乘間殺其母逸去女削髮爲尼歷四方求之至處州遇
公謙方擊毬不知覺女走訴官竟寘於法

曹山寺在七都宋開寶元年建 國朝成化十八年重建

山川壇在縣東南

廣惠行祠在縣之溪南宋嘉定間邑人初紹定二年縣令劉克遜新其廟莆田劉克莊爲記

林娥墓在縣南時邑有建寇娥爲強暴所迫露刃臨之不屈遂遇害衆義其烈擒賊收葬

涵碧亭在東溪古鳴玉驛前宋景德中建後改名平沙堂又有橋在鳴玉灘上竝廢

磨劍石在保安里鳴玉橋下古讖云磨劍石平上出公卿宋令劉元亮命工鏟之刻劍石已平公鯛出焉八字

萬安橋在雲津橋之南元季建 國朝永樂間燬成化間知縣汪瓘重建構亭其上其北有雲津橋

煥文渠在縣治北煥文橋下堰溪水入渠西流至新宮前乃南流迎仙橋之南又西流與後河合後南流至勸農橋之南乃東流過下橋以入大溪蓋昔人所鑿爲邑襟帶 國朝宣德間知縣張昱濬之

勸農橋在保安里元時建邑令勸農駐此今爲迎送之地景泰三年知縣杜永清建

唐筠宅在縣治北璘嘉定進士擢監察御史論執政鄭清之等誤國事直聲震朝野世擬之唐介云

金仙嶺在縣東保安里上有金仙宮石磴縈迴邑之勝概也五華山在縣西南崇禮里五峯連峙峭拔千仞亦名仙山山上

有仙樓道院邑人禱雨於此又名大佛嶺 宋李堪詩尋源
探雲霞中有金仙家綺疏晃飛翬雕欄燦朱華珍禽棲不羣
靈泉流無涯晴旭起風篁空香送天花春雷會法鼓寒烟聚
海茶奇峯峭如削芳樹一何嘉且將翠閣齊絕與紅塵賒終
然謝朝級此地營丹砂 元張以宣詩大佛嶺盡小石來黑
匡削鐵懸崔巍泉翻石根六月雪雨老石路千年苔我行忽
落青山外白雲四望茫如海黛痕三點見蓬萊明星玉女遙
相待九華天姥昔見之人間有山無此奇平生酷恨李太白
不到閩山獨欠詩

蔣國秀宅在縣東國秀妻陳氏名道回元至正紅巾寇縣執道

回欲汗之白刎死詔旌其門

資聖院在大吉山唐天寶六載建名天王院宋大中祥符八年
改今名 宋林夔孫詩華峯跨葦下有雲一壑翬飛二百
秋蟬巢幾千落靈泉際空留宿霧臨除箔山呈萬古姿竹隕
六月籜當年有賢令神交契冥漠懷哉精魄歸永矣香火託
至今書壁間讀者為嗟愕好事繼前志剝巖成此閣仰看斗
插椽俯聽泉入鐸晤言千載心英氣凜欲作西南望蒙頂躋
攀計已作忽復良友同共寫襟期樂遐登破嶠岬幽討待綽
紉磅礪富蒸鬱陰衣芒分錯再拜五華君許蒞他日約霜威
淨餘氛晴宇洞寥廓

棲真觀在五華山之巔元延祐間建 國朝成化十三年重建
極樂寺在縣西十二都唐天寶元年建有息見亭自省軒放生

池西竺伏虎巷 國朝永樂三年重建成化七年重修 宋

李堪詩空門出白雲梵宇依蒼岫天色湛遙光春華結野秀
簷間綺羅被池底星珠漏香沈篆烟餘文兼禹碑舊怕智可
養神寂寞復誰誚逍遙磨葉猿盤礴穿花溜團團草露晞琴
瑟空香逗層臺太虛半雙壑瀑泉透苔空綠錢死松老清陰
瘦獨鶴淡飛鷺深蘿苔粉構歸岑待沃洲芥子觀靈鷲淨土
人不來塵寰廓然晝 明徐燧極樂寺曉起聽盡蓮華漏刻
長山深嵐翠滿繩牀鳥啼松嶂聲聲月僧踏楓林步步霜座

上落花天外雨佛前沈水定中香此生總是空門客到處皈
依有法王 閔齡伏虎巷詩鳥道千盤上幽尋西竺菴僧殘
無虎伏偈在有龍參澗嶺寒生嶂室久抱嵐遲回歸興晚
松月在珠龕 陳价夫清明日遊極樂寺作客逢寒食西郊
趁曉晴露餘松子落雲傍蓆衣生對榻頻揮塵穿林獨聽鶯
山僧疎酒禁元不爲淵明 重遊極樂寺客思悠悠感仲冬
空門尙覓舊遊蹤林開霜葉紅千點徑入烟蘿翠幾重石鼎
新粳香積飯雲堂清韻夕陽鐘分明一幅村莊畫犬吠柴門
月在松 徐燧雪晴過極樂寺雪晴山路暮寒凝半日纔閒
屢訪僧曲澗聲喧流暗水小池痕淺結層冰疎不礙雲堂

磬松偃深藏石殿以寂禪關閉殘照蒲山馴鳥響迦陵
李廣文宅在縣西十二都廣文政和中登第廣文尉尤溪合浦
城倅建安俱捕寇有功世服其雄畧

浣溪書院在八都閩駙馬魏鵬祠堂之旁宋時建中有夫子廟
朱文公書扁

蘇大璋宅在縣西十二都大璋慶元進士時嚴偽學之禁大璋
力言不可時宰惡之出知吉州卒

鳳冲峯在縣東慕仁里尖秀異常 宋蘇大璋詩早起聯鑣上
翠微瞰虛厯級步嶽嶽昔聞華頂蓮生藕今見南山菊滿籬
縱眼橫看天地濶懷惟有 安期引我丹霄路十里

雲烟特地披

城南書院在十三都溪東宋乾道間學 基也元時建為書院中
有夫子廟後圯於水 國朝洪武五十改為射圃十五年主
簿蘇進仍扁今名

因嚴寺在二十一都五代晉天福五年問建 國朝十一年重
建成化間重修 宋音 孝參詩橋通流水綠溶溶殿閣窄

鎮象龍半壁石槽通雪竇一龕麗室占雷峯挂巖屋似六和
塔入路門如九里松溪想空庭明月夜浮屠桂樹影重重

章孝參宅在三十六都孝參淳祐間登第好獎勵後進 八錫
稱其大雅君子

螺峯書院在縣北九都螺坑宋時建今廢惟存文昌閣三字朱文公手書

順懿宮又名小廟在縣東三十里臨水洞神姓陳氏閩下渡

陳昌女小姑嫁劉杞卒年二十四臨水有洞產巨蛇吐

氣為疫癘一日有朱衣人執劍索白蛇斬之乃知其神也鄉

人為立廟祀於洞有梳粧樓宋淳祐間賜額順懿元末重修

學士張以宣為記明徐焞龍源廟詩臨江遺廟祀嬋娟少

女宣靈五代年蝌斗縱橫塔下出妖蛇降伏井中眠春秋暨

老更羅袖伏臘村童送紙錢苔滿古碑行客弔粧樓無主鎖

寒烟

靈淵廟在縣北十五都廟瞰深溪下有洞穴龍居之邑人禱雨

輒應宋紹興十四年賜額

張疆宅在二十七都疆字定叟為太學生上書力詆史嵩之後

釋褐登第又論丁大全誤國士論重之

杉洋鎮在縣東三十六都邑有銀坑數處路通諸邑國朝有

巡檢司戍之今廢府判駐守以防竊發所轄二十七都

藍田書院在杉洋南唐員外余仁椿建中有夫子廟朱文公書

扁門人余偶立元時改書院為鄉校各有堂長縣官提督之

西齋在杉洋西朱子門人余偶余範讀書於文公書扁又三

十五齋語境有興賢齋余範建亦文公書扁

西峯寺在縣東北唐開元初建 國朝成化間重修

大目寺在縣東四十六都唐咸通二年建 國朝永樂十六年

重建 宋劉克莊詩寺小於諸剎山高似衆峯未寒先得雪

已夏尙如冬

大夫峯在蓋竹有通奉大夫中丞李皇臣先塋故名

豫陽公館有舖上通秀嶺下通谷口

迎泗壩在平里谷口宋時建谷口有舖下通黃田十里

竹園公館有舖在谷口上十里

黃田驛上距滄峽二十里至茶洋驛六十里下通水口驛五十

里又一 高溪公館以達於縣

谷口館在黃田驛西北十里

水口驛在古田縣 都丁一百沙百二十里而遙上接黃田四

十里而近又遞運所 驛之旁其溪自縣南流與嵩溪會故

名水口宋太平興國 旨遷縣治於此蓋水勢至此稍緩溪

濱地稍寬劍溪水至此漸平 無灘石上下舟航輻輳居人

繁盛宋有監鎮官 早

永通橋在驛西舊名朝天宋時建覆以屋 國朝嘉靖間重建

鹽池分司在永通橋中有三層門西爲筦轄行廬臨於江滸有

浮橋橫江津朝夕驗放有鹽倉在溪南 明吳國倫過水口

贈丁一中司戶何地逢君不可憐客星雙照七閩天玉華雲

氣詩筒滿金鎖江聲署閣懸煮海近聞鹽鐵議徵兵急藉水
衡錢祇應白首勞王事肯向青雲問後賢 又水口泛舟爲

君留信宿溪上坐青山雙楫安留下孤雲返照還時情都眼

底詩態豈人間倚醉看遙海扶桑擬共攀

一中丹陽人
延平府通判

謝

肇泐水口關落木下江關長天一鳥還松聲飛積水雨氣入

殘山官渡垂楊裏人家野竹間客身真似葉歸夢逐潺湲

曹學佺度困關一帆過異縣雨以客滄洲積石高低市浮關

啓閉舟人烟寒受澗月色滿當樓爲憶傷心事三年淚未收

屠本峻登三層閣詩階歲吟詩俯碧洲山腰官閣迥添愁

蠻烟瘴日荒荒落巖韻松聲脈脈流把劍蓬心聊暫錫禦寒

米汁自淹留已知傲吏卑棲久不用逢人嘆白頭 又困溪

官舍幾日馳驅已至閤笑攜藥餌與綸巾青山一半堪留咏

碧樹千章可蔽人但遣歲華容短髮肯從平海問迷津官齋

亦架層巒上始信吾兼吏隱真

青山書院在分司傍 國朝嘉靖間建祠朱晦菴先士 朱子

水口行舟詩昨夜扁舟雨一簑滿江風長夜如何今朝試揭

孤蓬看舊青山綠樹多

射圃在分司之東 國朝嘉靖間運同林烈建烈分司水口立

社學置圃習射教里中子弟俗爲之移萬厯中祀郡名宦

真武祠在分司之南隔溪有山聳秀可愛俗呼爲武當 明沈

明臣水口山陪臧帥讌汪開府時日徵歌興亦豪軍中曾唱
鬱輪袍秋臨碧浦星河近雲斷丹峯氣色高邊塞嚴聞清夜
鼓將軍愁絕舊時刀極知經濟須公等不廢登臨是我曹
順懿宮在水口之西側有坑坑上爲橋極宏麗俗呼夫人殿坑
塔嶺亭在道周嶺上西通南平北江政和分岷於此 明徐燧
塔嶺道中樹老根盤鬱峯奇勢不齊單寺穿宿莽雙巖夾清
溪古驛喧猿語荒蹊印虎蹄王孫歸未得愁見草淒淒

牛頭寺一名大雲在一都邵南里牛頭嶺下崿高峻陟降二十
餘里五代唐天成五年建寺有白雲堂寒林軒諸勝今廢
宋程師孟宿牛頭寺前日閩都舊長官窮冬從此據征鞍牛

頭寺裏千峯月水口村邊萬石灘竹葉盡來堂少煖荔枝無
處地多寒明朝出境重回自己約三山馬上看 張浚詩暮
宿牛頭寺朝辭虎節門東風知我意送我過前村

清風嶺在四都有寺曰清風五代寺長興二年建又四十都有
寺曰秀峯宋景祐初建 明宋應昌重過清風嶺滄峽清風
嶺峇峩今復過泉流千仞落樹杪白雲多節鉞新承寵瘡痍
蒼峽在黃田上二十里與延平分界有巡檢司遞運所

蒼峽在黃田上二十里與延平分界有巡檢司遞運所

應昌杭州人萬曆初福建左布政使

閩都記卷之三十終

閩都記卷之三十一

郡人 王應山 纂

郡東北連江勝蹟

侯官任溪三十里爲連江縣環縣治爲儒學傅公井美政
街百歲耆儒坊李士文宅白塔嶺貞女林氏宅龍際山雨
王寺崇壽寺趙汝騰宅東塘湖 鞠二公廟社稷壇城隍
廟陳元憲宅洑沙鼈江通濟橋王泉寺操場接官亭觀音
閣龍興觀魁龍橋東嶽廟東園天妃廟 滄潭西山山川
壇臨清樓楊崇宅林謨宅三仙觀龍卧寺吳世澤墓湖山
祠山泉矮嶺丹陽公館寶華巖筠溪釣臺林錦墓靈顯廟

陳鴻漸宅羅崙渡常挺墓安利橋潘渡陳山公館瑞泉陀
嶺舖朱公橋蔡公碑降虎峯中鴿里寶林院虎跑泉劉礪
墓覆釜山石門寺李彌遜墓雲居山學易山房光化寺鄭
昭先墓館頭渡英顯廟解醮泉爐峯廟靈應院貞女彭氏
宅孫芝墓大小亭廟小華峯荻蘆山寶積寺北茭巡檢司
小埕灣水寨定海所蛤沙河泊所上竿塘山

連江縣在龍滌山南鰲江之北去郡城八十里而遙晉太康三
年析閩縣溫麻船屯置溫麻縣隋開皇中省入閩唐武德六
年復置縣曰連江迄於宋元 國朝因之編戶二十四里北
枕香爐西聳文筆東挹龍卧三峯扼其口大坪橫其前帶山

襟海廣七十五里東至海二十里南抵閩縣二十五里西抵
侯官四十里北抵雜源八十里宋設七鄉鎮二十四里元析
爲三十五都 國朝以二鄉領城內二里外五鄉領二十一
里統圖四十里有二縣名連川鳳邑溫麻 國朝嘉靖十八
年邑人憲副吳世澤御史王德溢請於當道始爲城廣四里
許高一丈二尺厚八尺周九百丈有奇門樓四水關三萬厓
四年邑令張賢增高三尺其門東曰鎮定南曰廣化西曰承
化北曰懷宣縣治建於唐武德間迄元至正燬於寇 國朝
洪武三年知縣王德卿新之堂之東爲庫西爲墓廳爲架閣
庫爲際留倉儀門外有土地祠預備倉觀稼亭勸農閣隆慶

間知縣朱應辰重為規建察院布政分司按察分司並在縣治西北龍津坊內醫學在縣治前稅課局在通濟橋西

儒學在縣治東南宋嘉祐間知縣令定朔於縣治之東紹興間移今所淳熙八年更其制為南向 國朝洪武初因元之舊

而新之宏治十年移先師廟於學之東萬厯間葺治大司馬吳文華捐五百金助之射圃在其西隅名宦祠在廟門東祀

唐令令鞠仲謀 國朝 縣歐陽翰鄉賢祠在明倫

堂之東祀宋侍郎李彌遜尙書李彌大參政常挺

傅公井在儒學東北隅尼山下宋令傅伯成鑿故名

美政街在縣治前宋元時邑人貿易咸集於斯元季經兵燹市

廢 國朝成化丁丑知縣左輔始建廊屋有宣化橋

百歲耆儒坊在縣治 萬厯初按察使徐中行為邑人豐城教

諭黃鳴鶴建

李士文宅士文嘉靖八年進士歷都諫官終浙江按察使

白塔嶺在縣西半里許王審知入閩時將軍陳霸先為前鋒追賊至此

貞女林氏宅在縣治西林氏知州令之女許字孫夢弼夢弼死遂不更適萬 間 詔旌其門

五峯潭在縣北仁賢里潭極幽邃龍居之禱雨輒應

陳舜申宅舜申宋淳熙進士知漳浦縣子德一官知宜州舜申

子弟四人二為州牧二為縣令累世同爨推德門

陳德豫宅德豫宋淳熙進士官終大理卿分教宣城時禁洛學
德豫藏二程遺文甚謹

龍滌山在欽平下里縣主山也岡巒如龍滌水夾澗而下故名
天王寺在縣西欽平上里唐大中二年建 國朝宣德五年重
建今廢

崇壽寺在縣西宋天聖四年建 國朝宣德七年重建今廢

趙汝騰宅汝騰宋宗室也累官禮部尚書端明殿學士諡忠清

朝廷嘗賜田宅以旌其廉

古田亦有趙汝騰宅

夷湖塘在欽平下里隋開皇間邑人林堯捨田為湖周迴二十

里歲久壅淤半為民田唐咸通初縣令劉達復奏濬之

劉鞠二公廟在東湖埧上祀唐令劉達宋令鞠仲謀二公後先
興復水利邑人德之 國朝正統十年重建天順四年知縣

歐陽翰更新之

社稷壇在縣治西宋慶元間知縣趙善建於玉泉山下 國朝
洪武初改建今所

城隍廟在縣治左宋乾道九年令會模即舊學基創建 國朝

永樂十年縣丞參安建正廟宣德九年知縣劉仲戩增建一

新邑人助教蘇文鉞記景泰五年知縣歐陽翰重修

陳元憲宅元憲宏治鄉薦令崇明判臨江後遷雲南提學以老

丐歸事具郡縣志

淤沙在縣治東二里許其初爲激後淤流壅沙遂爲平地今高者爲屋低者爲田蓋附郭一闌闌處也

鼇江在縣治南百步許互欽平上下二里卽連江也源出羅源縣王土溪黃栢潭懷安縣桃州密溪二派合流至縣前東西環抱如帶東流入海又名岱江

通濟橋在縣治南隅跨鼇江俗呼江南北政和四年疊石爲梁凡一十六門長五十丈六尺淳祐間重修

玉泉寺在縣西里許之麓泉出兩峯間隋大業二年建寺唐天寶中御賜玉泉巖靈羊洞外桃巖擁秀堂清

澗閣明月軒流杯亭諸勝 國朝永樂二年修以化五年重

修今多葺蕪 明陳宏巳玉泉寺一路盤山色孤亭出竹陰客來春雨歇僧去暮雲深寺廢多孤跡壇空少鷲音徒餘殘

碣在榛莽豈堪尋 劉志南遊玉泉寺遶郭緇塵遠相期汗漫遊寺幽僧避異木落鳥鳴秋澗水隨深淺雲山任去留憑

高臨大海恍若在瀛洲志南漳人 邑博士 鄭平旦詩巖泉真境白

雲深山水碧明區 賞音飛蓋清風臨絕壁芳尊斜日憩疎林勝遊更得元中趣 歸咏偏憐物外心肯使茅蹊堪踏蹬短筇

何日不心尋 徵材詩載酒閒尋支遁家秋山開遍木犀花芒鞋已是無 東直上高峯弄紫霞 陳夢罷詩寺僻煙

霞古山盤洞壑幽 眼空滄海外身在碧雲頭
道人稀至雞園悵 遊巖花憐晚對秋色玉虹流
吳文華遊王泉寺巾烏相隨躡紫烟
閒從鳥徑訪金仙 宦情迢遞浮雲外
梵影依稀落照前 古洞蒼鱗涵寶月
香厨清玉控靈泉 坐闌得悟如蓮偈
萬籟空無一事懸 王應山和寶篆風輕繞
瑞烟齋心絕磴禮金仙
鰲峯秀出人天外 鷲嶺光分繡佛前
寺古尙餘花作雨 石奇仍是玉爲泉
來遊幸踵尙書履 高棟常瞻錦字懸

操塲在縣西二里許有碑頌參將戚繼光破賊勛績上覆以亭接月亭在操塲之西

觀音閣在縣西二里許規制宏偉面文筆峯俯瞰鰲江古靖間建萬曆間今張賢重修 王應山夏日憩觀音閣啣書來鳳邑傑閣暫幽尋山擁空濛色江涵水月心金天消暑氣寶地結繁陰爲識禪接近經聲度竹林

龍興觀在東門外宋嘉定二年建明永樂正統萬曆間修魁龍橋在欽平上里

東嶽廟在王步去縣二里許宋景定三年建 國朝永樂正統成化屢修葺

東園面龍興觀延袤里許大司馬吳文華別業也中有曠如亭萬絳窩諸勝 黃克晦東園宴集千峯爭擁郭門西東郭開

園翠轉迷雞犬半村依約里江潮百里繞平堤簷前水照
池雨墻外花成問字蹊不識何人高卧穩重來春酒任扶攜
葉向高詩尙書別業喜初開宴東山意不輕花底雲深
迷賜履林間春聽流鶯當筵自媿詩情短對景偏宜酒態
生知是乞歸心倘遠不妨車馬日縱橫王應山飲司馬東
園野堂高日未西峯巒迴合望中迷鰲州布潤花彌谷鵬
海噓潮水拍堤窻桂玉芝森應瑞碧桃朱李默成蹊薄遊自
笑非嘉客十日涼酒尙攜陳宏已過吳司馬東園粉蝶
映孤村青山迢客初投北海公久號東園蘿月延飛蓋
松風杜掃門偏留布衣者十日飲平原吳文華和靳啓郭

邊村周遭竹作垣柳齊陶瓜似邵平園起多措杖
疎少扣門忻逢高士駕題地耀郊原

天妃廟距縣二里許國朝統十四年邑人黃得壽重建

漁滄潭在欽平下里鰲江之古有石刻漁滄天乙之門

西山在縣北欽平下里宋侍李彌遜歸隱於此彌遜大觀進

士諡忠肅弟彌大燭正曾詔俱詳宋史

山川壇在縣治通濟橋之南

臨清樓在縣治西南威奇廟在江故名國朝正統七

年邑人陳連募衆重建又有環翠樓在縣西靈慈廟左

楊崇宅崇自其高祖連六世同居詔旌其門

林謨宅謨與呂祖謙同師林之奇及祖謙講學金華謨往從之
祖謙稱為胸中瑞物

三仙觀在縣東北安德里元至正十五年建

龍卜在縣平上里隋仁壽三年建 國朝正統四年重建今
廢

吳世澤墓在龍卧山世澤嘉靖癸未進士官終廣西副使以子
贈兵部侍郎有司營墓

湖山去郡八里其山超出諸峯有古道場相傳仙爐飛置其上
邑人立宮祀之今九天宮即其地也

祠山泉在縣西清河里祠山廟後泉冽而清民資以溉田

矮嶺在東湖之北連亘數里嶺之北有三亭總行

寶華巖在清河里層崖峭峻半出林稍中有天然石室稱奇勝
丹陽公館在應德舖 上有寺今廢

筠溪釣臺在清河里湖山之麓李彌遜築臺湖山以漁釣為樂
自號筠溪釣臺刻石志之 舊志猶存

林錦墓在清河里錦景泰初鄉薦訓導善用兵以功累擢按察
副使

靈顯廟在魁坊內神姓黃名孟字叔達句容人唐初沒於連
江宋紹興間海寇朱明犯邑神見夢未幾寇平紹定四年賜

領咸淳三年封 惠侯

陳鴻漸宅漸景泰辛未進士心戶 卅中時論推其廉直天順
末以親老乞休時年三十九家居二十餘年卒

羅崙渡在縣西光臨里有舖上達於縣下達於潘渡

常挺墓在光臨里張旗山挺官參知政事封合沙郡公嘉熙二
年進士

安利橋卽今潘渡宋紹興十四年知縣阮珪始創爲橋未幾爲
水所敗乾道三年趙子闔更新之袤十九門長六十五丈
名以惠政後於水中得斷石刻安利二字寶慶二年帥王居
安改今名里人陳漳刻石紀之莆田陳宓增刻碑陰今廢
潘渡安利橋圯邑人潘勃以舟濟渡故名又有陳谿橋正統間

重建並光臨里

陳山公館在縣南四十里下達任溪十田 心丁亥令朱應奎

重建周遭峯巒秀傑

湯裏

瑞泉在公館之北源出田中噴沫如珠 上人砌石澡浴有女湯
上覆以屋

叱嶺舖在清河里南抵潘渡十里舊有嶺菴今廢俗呼臺市
六小橋在縣西歸仁里宋嘉祐間令朱定建 國朝隆慶間重
修橋頭山麓有寺今廢萬曆中里人作亭橋而以祀 顯寺
之伽藍神也

蔡公碑在歸仁里嘉靖 里人爲蔡參政潮建頌其開路

功隆慶間令朱應辰移聖橋西記之

降虎 在中鵠里相傳有虎中藥箭至僧法菴前若

詮爲去其鏃拊摩久之數日瘡愈復來遂相馴狎因以名
中鵠里在縣西北舊名通化唐張瑩有詩一箭不中鵠五湖歸
釣魚後登大順甲科仕至禮部尙書遂名其里

寶林院在中鵠 唐大中六年寺有獨覺巖唐宣宗時僧法詮
與涅盤 山 瀉諸老爲法空友寺絕峯有巨石如覆盆
雅好居之欲移其室而不能因拊之曰人實無力乃有
俄而風雨 電詰旦百移山下儼然一室詮禪棲其中凡
十年坐化容貌如生髮長至頂削之復

虎跑泉在寶林寺相傳僧法詮建菴時 水俄而有虎跑地出

泉故名 宋李彌遜詩喚起田翁趁晚耕香雲已帶瀉簷聲

如何乞取摩空手爲挽大河洗甲兵 林臯詩寶爐香穩遶

松筠遐想遺踪二百春幽石移時雷電掣孤峯坐處虎狼馴

劉礪墓在寶林寺 事行具郡志

覆釜山在新安里山 有石狀如覆釜南峯之麓有石雙峙道
出其中名曰石門又有巨石相倚其中清邃名玉華洞又有
玉人峯有石圓如鼓擊之有聲半月池以形似名清陰洞在
南峯石門寺之北巨石台峙其下半平可坐數十人上有佳
木蔭翳故名鬪牛 口兩石相對如牛鬪然石魚澗澗旁有石

如魚 石 五石 一平如臺金鼇山在覆玉山之右山形
隱如石鼇山海矩度山在覆釜山之西相傳矩度二仙居之
南乾山 覆釜山之南有仙人碁盤石並定跡北乾山在覆
釜山之北有巨石不著苔蘚形如紗帽 宋龔况石門詩岫
冕貼松低羽人來未歸音深鎖春色不灰曉雲飛 又玉華
洞石壁 衣夾門雙 枝山陰 人罕到長認鶴聲知 又
玉人峯 綴衣紅淺烟 無言山色裏幾度野梅

洪壯玉華洞妙絕天

飛佛子家壺中間日口

老烟霞 又玉人峯誰

放出玉人峯自有

何勞粉黛容 又半月

烟苔地彎如半月邊

到

林

陰洞地無可著塵埃處不怕塵

埃莫

石門寺在

山之麓

國

建宋李彌遜遊石門寺羣賢嘉

會走與臣乍言郎星照之

寺近用塘鍾秀麗筵開晚水薦

甘珍放懷想盡百川

應生四角輪我獨於痴方面壁

愈風賴有兩 人 明吳

華過石門寺隱約烟霞見佛宮

石明雙峙任 巖

寒相媚洞口瑤泉引自逢

池涵蒼蘚色 石護

蹤欲憑指點按靈犀 判法

更幾重 陳宏已石門寺

放風花亂山藏水石瑯言

浣暇共作暮春遊洞道

雲林抱寺幽洞窮纔見剝樹

密不遮樓仄，逕妨馬高。指關牛攀蘿，穿石壁洗藥。選清
流軟草，分曹坐殘陽。次第地疑綿，叢野時似永和。秋潭暝
壁，空出影以詠歌。未極江月巧，相留

李彌新在新安序

寺序

雲居山在縣北永貴里。山巔有塔，塔旁有雲居堂。堂前有石如
壁，金華趙崇札刻之。上雲居人間仙景八字。去堂西北二百
步石上有仙人足跡，長一尺許，有蛤蚌殼附石上，有龜石蓮
花石在山之半上平下。周圍有瓣狀如蓮花，其石甚巨，附
于磐石之上，輕搖則動力撼之。山阿兩峯盤鬱，中爲
雲居寺。寺中有池，石梁跨之。又有老翁石、龍角石、出米石、皆

奇秀西麓有淨菴。明吳軾遊雲居詩：仙臺廖廓自清
芬，與客憑高望海氛。萬壑風浮古木半天鐘，磬落奇雲歌
騰空谷。諸峯應飲徹，中宵片石分。境寂心閒無一事，三乘妙
悟正堪聞。陳疇次載路山花發異芬，遙觀海蜃起秋氛。
羣鴉樹杪棲殘照，孤鷺天涯帶落雲。月到上方僧入定，磬分
香積酒微醺。絕憐萬壑具寂一曲清歌上界聞。周世科
次秋山蘿薛起清芬，步入石崖隔俗氛。巖壑玲瓏偏得月，浮
屠突兀半棲雲。老翁坐石烟霞侶，荷葉傳杯主客醺。更喜夜
闌諸品淨數聲涼，籟樹間聞

學易山房在雲居山之南，眉川守陳生故宅也。曾孫教諭賓讀

書其中溪山環秀有二石如魚狀舊呼石牛吳司馬
文華更今名

光化寺在縣北保安里唐武宗元年寺後香爐山其頂如香
爐狀石上書粘雲二字九志云邑人章壽學道於此得仙
有壇尙存又雲笈七籤以第七十一福地謝真人居之山
南一峯峭峻上刻章仙峯一大字有磨劍石煉丹井掃壇竹
石碁盤又仙人足跡長二許童井深僅尺餘不溢不竭相
傳有青衣童子撥草取水雲登爐峯而去里人掘井得泉
故名 宋鄭鑑爐山詩峙立交輝紫翠間疎兼半捲鎮長閒
神仙似有祈年術一縷青烟起博山鑑字自明乾道間著作郎

鳳凰山在保安里以形似名

鄭昭先墓在鳳凰山事具郡志

館頭渡在縣新安里里達於郡城又有馬鼻山狀如馬鼻突出
海濱

英顯廟在新安里兌峯神姓蕭名孔 字仲謀建安人五代唐

莊宗時中甲科不第仕進削髮爲僧 堅苦能以虎豹沒

而邑人祠之宋靖康 初建寇棄儂逼縣境神兵見於羅崙賊

遂遁去紹興間海 寇荻蘆寨神復現翼九龍江累封昭烈

正順公寶祐元年十 年鄉人禱雨隨應元賜今額 國朝洪

武十八年重建學上 沈爲記

解醞泉在新安里秦

俗傳曰飲者醉輒使醒

爐峯廟在係北京鄉店福中王氏入門

以從之始至有

浮香爐及書視浮於岸側里人異之

立即封南義侯

南唐封端侯

卿為記

靈應在建興里初

志勤參馮山觀祀花而恬唐咸通初開

懷安靈雲寺在何初

開羅源仙茅在建此先是四明有一

僧以福州靈應欲造開山塔行化

買卵石海舟

境命舟人少需

往院趣從者于心二日舟人詣寺

踪跡無之既而過

山堂見所塑像然行化僧也眾異其

事遂以其石為開塔至今水旱禱之必應

女彭氏宅

透嶺下彭氏其未婚妻萬厓間詔旌

其門

在縣

北

宣德中芝守沔陽時有建議欲刪孟

日終參議

大小亭廟在縣東北二十七都時有功者偕其弟光泛海遇

風兄弟連臂浮於江岸每

沙戶字表其履厓復見夢於

鄉人為戎南山作壇北山立廟鄉人異之建鹽亭享其利五

代晉天福中並有封號

小華峯在二十七如中紹興二十四年耕夫鋤得石剖之有

小華山三字紹興元

建亭覆之亭圯而石仕

荻蘆山一名九龍山下有九龍古相傳秦始皇
山形秀拔者此山巒蘆根一莖長可數丈斷
名其水為荻蘆港

寶積寺在二十七都宋嘉祐二年建國

一重建

北茭巡檢司在二十六都舊為荻蘆巡檢

朝武三十

年更今名

小埕灣水寨在縣東北八十里定

示泰間置每歲擇指

揮領之

定海所在二十七都隸福寧衛有倉使支給官兵定海與北茭

蛤沙

國都記卷之三十二

郡人

纂輯

郡北羅源勝蹟

逾侯官丁山八十里而遙為羅源縣治為儒學城隍
廟沈尉橋南岸橋河泊所西溪菴縣前舖崇德橋陸引宅
環玉館余光庭宅登高山忠烈祠普賢堂南庄背社稷壇
羣玉峯水陸寺林興祖宅林蕙孫宅迎恩亭仙人石鶴巖
陳顯伯墓杞舖鄭伯淵宅稔亭後山亭仁壽井山川壇勸
農臺起步橋天慶觀丹陽公館快口橋余家塘天妃祠文
殊山尖山南華洞簾山飛來一仙茅山洞仙山仙泉井羅

川一明山四明橋金粟寺翠雲橋上梅嶺金鐘山馬步石
余元泰宅龍湫白塔禪寺下梅嶺蓮花山三水寺逍遙洞
石鼓崇壽寺水利渠太白巖石八仙頂巖九龍溪順懿宮
大堂山匹石巖龍興嶺英惠廟黃沙溪雙溪渡萬石山昭
祐祠巨濟祠南灣巡檢司烏巖山金爐嶂

縣在東戴坑去郡城百五十里唐大中元年析連江一鄉
維源場咸通間又析閩清縣治益之為永貞鎮五代閩改
縣宋天禧間改永昌乾興間始稱羅源縣建於溪之
間移今所迄元 國朝因之編戶一十四里羣玉峙

六浮其東蓮花在其南仙茅障於東北控負巖巒襟襟

帶陂澤邑居嵐氣如甕民山耕海漁僅供自給古永貞永

昌廣七十里袤九十里東抵寧德四十五里西抵連江二十

五里北抵山一百八十里南抵連江二十五里宋設三鄉

領十三里元析為三十六都 國朝分城內為二隅外十二

里統圖一十有六宏治中分徐玉 縣中令陳諤折而

新之列表三甲許高一丈五尺厚一丈一尺一百一十石

三丈闊門四東曰賓日西曰承金南曰阜熏北曰朔易縣署

宋慶曆中令陳仁翔 國朝洪武初因元生而新之堂之東

為恒仁言成化宏治嘉靖間修葺布政分司司宣坊按察

分司在縣治右司館在城隍廟東醫學在縣治西際留倉在

沈尉橋之北陰陽學僧道會司並廢 明傅汝舟遊羅源縣
貼貼馴家鷓引我入山郭羣峯儻獅虎乍對欲相攫金鏡無
時鳴鐵嶂不可鑿煙氛日迷濛山海物交錯雖然竟并稀俗
尚亦不惡老翁偶相見邀入把酒酌一酌謝老翁莫言禮數
薄 謝肇淛羅源道中春色樹雲繁以峯萬壑暄城圍山作
縣屋倚石為門遠門當溪 斜陽礙山昏孤猿與斷雁無處
不消魂

儒學在縣治東南宋慶歷間知縣陳偁所創也先時在四明寺
知縣袁符始移今所 國朝洪武初 黃受修 景泰六
年知縣楊文端始構其制宏治十三年 也甫

建名宦祠在明倫堂之右鄉賢祠在 側堂之左並廢

城隍廟在縣之東偏宋知縣趙彥恢建 國朝洪武十二年縣

丞陳遜重建

沈尉橋在縣治南宋元祐中縣沈尉所建

南岸橋在縣治南二橋相跨各長四尺

河泊所在沙 國朝洪武十一年縣丞龐益建於橋

北景泰七年河泊官 用成重建嘉靖間移今所

西溪菴在縣治南 國 泰三年重建其地溪水清泚林木

繁茂

縣前舖在縣南達於連江者二巨鰲峯曰應德北其方曰仇者

三曰護國曰福曰新豐

德橋在縣治西隅宋豐三年建國朝永樂六年鄉人鄭

子子重建作亭其上

陸引宅引字惟鯁直憲諸國朝洪武中有薦其材者召

稱旨授象山丞視事二年以勤農事積勞卒先一夕城隍

守廟者寢夢傳呼甚喧新城隍陸丞也驚覺走縣問之引曰

屬續宣波志傳名惟凍

環玉館在縣西里許宋丞相余澤建為聚書之所周環皆水

名今廢深媿阿至大官無足稱者郡城西有宅

毛光庭者深之從子也光祿寺丞知

南陽不屈死舉家殲焉

山在縣西南其山如伏虎上有巨石坦平可坐數人石

一刻清賞二字環植佳木邑人登覽於此舊志石旁有凹昔

人構巷其上又有古塚三碑各印永泰元年始改晉郡為晉

邛凡十一字

烈祠在縣西其神陳姓名霸先霍口里人也五代時從王審

知為先鋒戰賊至白塔嶺馬蹄被害遂著靈蹟知縣程成建

祠祀之宋封護國祐民忠烈王

高山之旁

在縣治西隅半里源尖山金鐘澤合流入南岸洋

求放心齋

壇在縣治西國朝洪武初建
今以國朝洪武初建

羣玉峯在縣治之右二步列石森然故名

西篤行坊縣舊址也五代周顯德四年建國

朝洪武中知縣傅希怡修為公館後圯成化三年復為寺內
有井泉甚清冽

林興祖宅興祖字宗起至治間進士累官知鉛山州治聲

然州早有蟲食麥祖為文以禱螟盡死大雨三日人以為神

林蕙孫宅蕙孫字達叟少孤事母篤孝人名所居曰孝巷列郡

志

迎恩亭在縣治西北國朝洪武十三年重建
承陳遜建正統十

三年重建

仙人石在縣南三里許相傳有足此足跡尚存元泰定建亭

其上今廢石上刻清賞二字明陳亮詩人烟三市近依縣

盤石半空長出雲

鶴嶼在縣南洋井里江中與松崎山相對上有佳木蕃茂周迴

潮汐浩蕩嘗有鶴結巢其上故名

陳顯伯墓在縣東北臨濟里九龍村顯伯宋官吏部尚書元季

為盜所發有景定三年所賜致仕誥文

杞舖在縣北三里許烟村百家市鬻官鹽

鄭伯淵宅伯淵好義隣里有急不顧利害赴之有溪歲久而塞水無所泄伯淵捐資募鄉人治之

稔亭在徐公里其地土田飢沃歲多豐稔亭立其中故名 國朝永樂十四年王人重建

後山亭在新豐里 國朝洪武初里人陳明甫建憩行者

仁壽井在縣東仁壽坊之左

山川壇在縣治西隅

勸農臺在山川壇之側縣官勸農所築今廢

起步橋在縣東北天慶 前紹興十年建

天慶觀在起步橋之北唐天寶七年建內有八仙亭

丹陽公館在縣南三十里有亭今廢

溪口橋距丹陽里許 明萬曆壬辰僉憲李瑄捐俸助

余家塘在縣東隅

天妃祠在縣東松崎山

文殊山在縣東隅其山如伏獅宋邑宰林權嘗夢巖中電光四

起明晨往視見石罅中有文殊像遂構殿居之故名山有章

突洞在羣玉峯之西有石突然其上平坦相傳章壽煉丹之

所也有石刻章突洞三字

尖山在縣北東隅有王家林嶺嶺下有碁盤石石如碁局相傳

二仙相奕於此

南華洞在縣東一里許宋林迥有時名為金華簿歸隱建風月

堂左有天地窟右有錦繡谷 宋陳襄寄題林迥南華洞梅

嶺風前習隱亭拂衣聊此玩真經四時花木錦繡谷十里江

山水墨屏猿鶴只愁空北嶽鷗鵬終待化南溟知君不是榮

軒冕未可鏘鏘去帝庭

簾山在韶賢里濂湧山有石如簾前後有石筍仙人跡感夢泉

山羊鼻石虎雙石涌濟橋與簾山為十奇

飛來石在羅平里山頂一峯突出麓有巨石平如砥小石疊其

上公館以疊石名

仙茅山在徐公里兩山相連曰大茅曰小茅大而高峻嘉樹繁

茂相傳徐登嘗折茅根於上有泥鼓碁盤石山之絕頂有羅

喜洞數丈環石如垣做石如壇級石如磴穴石如盆有泉無

源級之不竭乃徐登煉丹之所也有羅喜洞三字刻於石

仙泉并在縣西祐聖宮之右刻仙泉二字於石凡鄉民有暴疾

焚符調此水飲之立愈 國朝成化十一年知縣施宏重濬

羅川在縣治西百二十步源出蔣山接金鐘潭流入四明溪分

為三派曰中溪堪輿家謂可制四明毒火 國朝宣德間潭

塞邑屢火災成化十三年知縣施宏重濬之曰南溪曰後張

溪二溪交流入松崎港達於海

四明山在縣隅一名毒火有四峯焉相傳此地赤松煉丹嘗

有人聞絲竹之音碁局猶存上粘牡蠣殼茂林有石洞又有泉曰窪泉雖暴雨不溢

四明橋在上磨宋紹興二年建 國朝洪武圮成化三年知縣

施宏募建橋之 有院宋建炎三年建驛於院之側

金粟山在臨濟里山半刻妙喜洞三字於石五代唐清泰五年建寺

翠雲橋在黃重下里 國朝宣德間建宦劉道人募眾重建構亭其上

上梅嶺在西隅嶺下有鯽魚嶼在平田中高丈許狀如鯽魚嶺半有亭宋提刑黃鏞建

金鐘山與鐵岵二山相近在縣西南一山圓如鐘一山峙如屏禹步石在臨濟里田間巨石有雙足跡長二尺許故名

余元泰宅元泰宋時登甲科嘗采邑先賢事蹟可裨名教者名曰鐘嶂嘉話其後邑人陳燦又爲補遺燦字文奎事母以孝聞

龍湫在縣西南金鐘山一在縣南福源山二山相去二十餘里泉脈相通禱雨應

白塔禪寺在鐵嶂山下宋開寶二年建後燬 明萬厯癸酉重建 明謝肇淛白塔寺石室 阿爐烟敗葉多繡苔雙霸下擁火一頭塔址春藤護山窗夜虎過淒涼神理盡泉

似悲歌

下梅嶺在東隅三里許有亭 國朝成化元年里人黃勝募建

蓮花山在縣西隅如蓮花覆地故名有聖水巖巖有石洞洞有小井其泉甘冽愈疾又有奇石二尖秀如筆方平如硯邑人歲登覽冠蓋相望俯視城市如樹比屋麟次景物之勝在目 睫間

聖水寺在 比山下宋經聖三年建寺中有八景筆視峯龍虎巖仙源泉彌陀石玉井金鐘潭棲雲洞眠鶴亭 宋白玉蟾遊聖水寺騎鶴來遊衆寶山山中石室水光寒巖前峭壁松花落午夜月明初煉丹 山僧問我家何在笑指浮雲帶日

斜佩劍朗吟明月下落花流水是生涯

逍遙祠在縣西南石上鐫逍遙洞三字舊 逸人構草堂於此越一里有地曰甜淡坑相傳民居多壽考前有欄盤 清流激之漑漑有聲

石鼓在鼇峯鋪後山上一石如鼓宋景祐閒鳴豐年之兆其後有鳴歲輒稔

崇壽寺在新城豐上里五代唐天成二年建有放生池又一寺在寶勝山中 國朝宣德二年建

水利渠宋慶厯間縣令陳稱鑿溉民田其利不貲民德之建亭其旁曰陳公亭

太白巖在臨濟里山頂巨石坦分。下有龍相傳樵者見一叟
烏巾白衣扶筇往來疑大白星也故名

石八娘巖在臨濟里湖頭卽紫霄巖也上有飛來石數層俗傳
神女石氏主之故

九龍溪在臨濟里舊識沙龍長萬丈先出狀元後宰相其水自
揆村直抵松崎江湖退沙跡蜿蜒今不知其幾許

順懿廟在黃重下里西洋嶺之山其神臨水陳夫人也事具古
田祖廟

天堂山在羅平里中有李翁祠

匹石巖在招賢里匹村一石突然高數十丈相傳有僧名秀

遇呂真人於此後飛錫去

龍巖嶺在羅平里嶺旁有泉從石罅中出衆胡角呼駕二切
夏有水冬無水口舉此泉夏湧冬涸故名

英惠廟在河陽村。神姓陳名蘇邑人也宋太平興國中子孫
立祀祀之嘉定二年封英惠王

黃沙溪在許。生源出實勝山流入松崎港

雙溪渡在縣西。里界於懷安古田有溪三派

萬石山在善化里萬石村一名破石山巔左有一巨石如盤上
疊一小石如鼓右有一石如籠茂林脩竹映帶左右邑之奇

觀

昭佑祠在羅一里石塘，姓黃氏名岳，宣德人。唐末由鄉貢入太學，果寇八閩，避地無所，衣食聞岳行，誼從之如歸。所活甚衆，王審知辟為幕屬，不就。宋溫篡唐，欲致岳為輔，辟不能，拒遂赴水死。旁邑人立祠祀焉。元至正間重建。巨濟橋在羅平里石塘，宋紹聖元年建，元至正間重建。國朝初重建。

南灣巡檢司在招賢里，舊在簾，後遷於此。今省。烏巖山在招賢里大海濱，下有網門。

金爐嶂在縣東根盤，中與楊梅灣並峙。

閩都記卷之三十二終

閩都記卷之三十三

郡人 王應山 纂輯

郡東 福寧勝蹟

福寧一名秦州，今領二縣曰福安曰宣德。向隸福州，逾羅源七十里而遙。宣德縣有白鶴嶺、飛鸞渡、林仲麟墓、楊復墓、金都寺、官井、洋赤鑑亭、林聰宅、霍童山、支提寺、石堂、福寧州龍首山、建善寺、松山、瑞巖、秦嶼、棲林寺、太姥、龜湖寺、飛來山、邱允墓、靈泉寺、虎溪、福安縣、辰山、黛凝、龜山寺、雙巖嶺、大羨嶺、羅漢寺、薛令之宅、靈谷寺、甘棠、鹽運分司、白石巡司、穆陽、幞頭巷、謝翔宅。

宣德縣本唐長溪古田二縣地開成中感德場長興

縣國朝洪武二年屬福州府成化九年升長

州宣德屬焉三鄉七里領二十五都凡四十圖

十里西至古田杉洋一百二十里南至羅源界

至政和慶二百六十里東南至州二百二十

里西北至

如之

五里嶺之北有巖懸崖空洞可居

為龍湫有峯脈起自巖透迤數里

連花峯下有嶺迤迤羅源石磴崎

視大海在鳥之下縣城視之宛焉一鶴

詠明傅汝舟詩仙人騎龍去不復乘白鶴

為山約絕尚餘沖霄冠突兀向廖廓倪首銜扶

霍大海岑巖前島嶼等燕直始知白鶴尊永與世

行道渡口鶴嶺聞雞辭野店驅馬度寒山竹掃青

碧海灣不堪行役苦翻羨采樵閒安得乘風翼

飛鸞渡飛鸞馬二山聯絡又有金臺山為輔出武

有溪橋從三江沿至福宣福安昔為官渡後以海寇

歷初始置私渡

林仲麟墓在赤水灣歲久圯敗邑士左擁行一石刻慶元

林公之墓知縣龔穎爲封表祭之 明丁注詩曾於青

儀刑今日經過拜古塋君子聲名誰復變慶元氣節凜如此
斜陽古渡搖山色荒草殘碑卧月明我亦臨風倍惆悵此
知不愧登臨

楊復墓在圓明寺後復朱子門人著禮書

金都寺唐大中八年建初僧居白至山遇異人言此可居是夜
祥光見居白就視獲金尺一遂剏寺以山在邑北故名金都
廣明初賜額供善宋至和間圓執禪師患寺左臨深坑一夕
雷雨裂後山之半平其基乃拓殿堂階墀秩然具備寺有盤
陀石靈響石烏馬石潛鱗沼雙石屏碧水簾湧金石蒙泉石

長老巖禪雲巖號十奇 明林聰詩古刹嵯岈倚碧阿十年
風景近如何香生泉水通鱗沼綠染苔衣上碧波習靜自知
塵俗遠相逢還喜舊僧多明朝又復朝天去樽酒何嘗再一
過

官井洋在大海扈崎山尾俗名虎崎滙福宜福安諸水於此極
深險 明魏瀚詩一葉扁舟萬里波好風吹我渡天洞旌旗
掩映風前絮鳥與沈淖 裴螺騁望不窮滄海近驅馳直向
斗牛過雲霞滿目非人境試問蓬萊路若何 陳震詩布帆
無恙水無波瞬息俄聞百里過一舸清風詩思不知蓬外
有漁歌

赤鑑亭在西陂渡旁宋蘄王韓世忠平范汝爲過此賦詩 宋
邑人余復詩萬頃琉璃到底清寒光不_可海門平鑑開波面
一天淨虹吸潮_頭萬壑聲吹斷海風漁篴遠載歸秋月客帆
輕芍陂曾上孤舟看何似今朝雙眼明 詹羽詩野渡扁舟
自在浮慣來江上不驚鷗一竿釣破滄浪月泛入蘆花石點
頭

林聰宅在 志前林聰正統間刑部尙書贈少保墓在水南湖
上有司營葬

霍童山在十二都神仙霍童所居謂霍林洞天天下三十六洞
天第一也唐司馬承禎修煉於茲山跨鶴飛昇又名鶴林天

寶閣改名仙遊閣封爲東嶽山中幽巖邃壑人跡罕到每月
皎居人輒聞空中樂聲山之西有支提山那羅延巖神僧居
窟葛公仙巖齋有蘇溪鶴嶺北有菩薩峯紫帽峯大童峯小
童峯左弼峯右弼峯仙經云茅君爲左弼仙卿韓衆爲右弼
仙伯又有寶劍巖卓筆峯霍林洞赤城洞鄧泉湖石仙壇產
龍鬚草及檉樹旁生竹一技遇風搖動自掃壇上壇下西南
有石甕貯水色白味甘有石榔三十餘丈石室盈丈東有石
橋橫跨澗上有搗藥搗衣石白石盆石盂玉鏡碧色鵲尾香
爐皆天成也昔人取山中諸景香爐峯仙來峯架峯玉女峯
龍腰峯雞跡峯石牛峯羊榭峯獅子峯展旗峯九仙峯飯籬

山馬鞍山鳳凰巖懸鐘巖合掌巖煉丹巖蓮湖墩桃花峽雪
花林雲錦屏堵茅坪雙髻了石碁盤布泉丹井合前諸勝爲
四十八咏霍童別峯有高蓋山洞天在其上常有紫雲覆之
山有石和尚玉女峯桃花洲之西有鶴林宮 宋余復詩霍
童山峯凡六六不知仙子在何方秋風萬里一黃鶴返照半
林雙白鷗長劍氣橫霄漢外飛泉影落畫圖間自憐懶作朝
端客訪道尋真日往還 陳嘉言遊霍林洞尋黃鶴白鶴峯
過大童小童杖底泉聲滴瀝衣邊樹色空濛 藤上老猿欲
墜松間野鹿相隨苔蘚綠埋丹竈桃花紅出金垂 瀑聲深
澗淺澗峯勢烟籠霧籠恍佛身遊海上須臾覺在山中 翠

篠輕挑綠酒紫芝間對黃冠牛醉風迴鐵笛中霄露冷瑤壇

白玉蟾遊霍林洞王鄧諸君安在哉雲屏烟嶂鎖蒼苔大

千世界飛雙鳥第一洞天遊兩回太極光陰亡 中子九天瑞

氣接蓬萊桑田海水只如許惹得朝猿暮鶴哀 趙迪遊霍

童萬仞峯巒翠作堆誰知有路接蓬萊蒼顏童子對雙立白

首使君遊一回石上殘棋風掃竹洞門飛鳥雨生苔欲留信

宿遲遲去應待茅君跨鶴來 明林保童宿霍林宮琳宮地

僻隔紅塵明月清風入夢頻瑤草琪花添雅致孤雲野鶴伴

清貧不爲名利奔馳客自是乾坤蕭散人昨夜偶同仙客飲

大家拍拍滿懷春 王若遊霍童山白鶴今何在千林只鶴

林人烟山縣少魚鳥洞天深苔色迷仙跡泉石淨客心無因
問舟訣天路杳難尋 陳鳴鶴鶴林宮道人何處奏雲和古
觀餘基翳薜蘿烟駕軌荒逢鹿少露壇灰冷見猿多已無瑤
席延真宰別向元門陟大羅聞說孤峯最高頂一龕香火演
楞伽 謝肇淛霍童山中尋真十里不覺遠古木槎枒石嶽
嵌山色溪色互向背大童小童相追隨雲中閱世一黃鸝洞
口笑人雙紫芝比立導客出樵徑竹杖芒鞋從所之 又霍
林道中策杖尋真未得聞嶺雲迢遞路孱顏溪邊喚艇重重
渡馬首衝人疊疊山石室猿窺新月嘯松門鶴帶暝烟還碧
桃落盡胡麻熟未許遊人到此間 周千秋那羅巖懸巖幽

谷翠繽紛小徑紆迴一水分巖半竹橋留返照洞中紺殿宿
寒雲溪聲入夜常疑雨石刻侵苔不辨文講罷華嚴僧已去
殘鐘猶向五更聞

支提寺宋開寶四年吳 越王錢俶建政和間郡守尚書黃裳
請賜政和萬壽額相傳有聖鐘鏗鳴天燈燿煜求以誠心咸
應歲旱禱雨多驗後寺頽廢隆慶間有僧大遷捐貲興復叅
政王應鍾撰碑文 宋主簿陸游訪僧支提寺高名每慣習
鑿齒巨眼悉逢支道林共夜不知紅燭短對床空嘆白雲深
滿前鐘鼓何曾忍匝地毫光不用尋欲識天冠真面目鳥啼
猿嘯總知音 明主簿李德詩策杖今來此天寒奈九秋水

花分塹弱山木抱雲稠更宿招提境真同慧遠遊從茲幽興
熨佳景最風流 謝肇淛支提寺鷲嶺西門萬壑迴上方紺
殿鬱崔巍金身新出中宮賜寶地遙從震旦開苔篆春侵香
積冷松林夜湧聖燈來山僧定後諸天寂惟有猿啼說法臺
又南峯淨室路轉南峯結草庵嵩邱蘭若老瞿曇片雲茹
屋三更雨流水繩牀五尺龕問法有時過鷲嶺漱流長日到
龍潭禪心定後無人會處處香風度石楠

石堂山在二十都路通古田山巔有石如堂宋儒陳普居其下
明嘉靖十四年知縣葉稠以廢仁豐寺建祠

福宜州本侯官温麻地唐時爲長樂縣後改連江復爲羅源縣

元升長溪爲福宜州領福安寧德二縣屬福州路 國朝共

武初復爲縣屬福州府 衛領七千戶所成化九年憲副何

喬新奏縣復爲州隸福建布政司仍領二縣州編戶五十三

里統圖一百九十有九後省爲四十三都凡五十三里城在

會城東北五百四十五里東抵海及温州平陽南至海及温

州泰順西南至羅源縣界廣二百四十里袤二百四十里

明謝肇淛登福宜籌海 一百尺高臺臺上樓鼓擊烽火似

邊州鯨波已定降王檄 堞猶傳控海籌平楚風煙臨水盡

亂峯雲氣抱城浮時平無事將三醉笑倚紅粧卜夜遊

南峯菴在州南三里許有大榕樹根怒起丈餘中闌爲門以通

人行 明謝肇淛南峯菴路遶菜花行南峯滅復明竹成菴
有徑臺迥澗無聲野色碧際海山雲青壓城老僧不識客隨
意坐縱橫 拔地兩榕根盤空幻作門僧歸板橋月人語夕
陽村積葉春眠虎垂藤夜度猿興來還獨往徒倚望黃昏
周千秋榕根夾道古禪扉石磴迴環上翠微蘿徑籠煙曳鶴
下板橋臨水一僧歸溪連極浦春潮入山抱孤城暮雨飛坐
久塵心消頓盡寒雲亂綴野人衣

龍首山在州北福宥焚陽來自泰順勢特峻拔有望海嶺距海
百里山勢尤高東山峯律乾亥之間北龍首山有石澗堂壘
疊黼展同知趙廷松鐫芙蓉臺作高院最高處曰聖水二山

合一天造雄奇有井廣丈許水清泚飲病者輒愈山半有菴
今廢 明趙廷松芙蓉臺詩江列芙蓉嶂天開錦繡屏落霞
知晚翠淡月出秋英獨倚千山秀空傳五老名山前鬱佳氣
何日動三旌 傅汝舟詩行尋山水從吾好卧看青山奈爾
何永夜松風掃星月經旬衾枕傍天河身間漸與仙人似地
靜頻聞山鬼過短劍秋深思故國白雲回首萬峯多 又遊
聖泉菴遠客入山門亦關老僧愛客長亦山泉香茗細難相
却虎嘯猿啼獨 還 謝肇淛石澗未愜登山興移尊石澗
堂松陰孤寺雨 經 一林霜遠岫皆圍郭低雲不度墻莫將
邱壑意辜負贊 房 又芙蓉臺步 出北 共登芙蓉臺

芙蓉不可見片石空莓苔荒草無人跡松風天際來
又登龍首絕頂縹緲蓮花第一華宮一山叢棘絕行縱雲生下界孤
城雨八聽斜陽半嶺鐘海上晴濤奔萬馬天中積翠走羣龍
金光玉蕊知何處欲駕鸞驂問赤松

建善寺在華峯下齊永平元年建初名建福唐景雲二年改今
名元元統間重建武周重建修嘉靖乙未大修判官薛天
祐記初唐宣宗時有僧人千八長安大臣引納禁近上方好
佛問大千所欲僧答無欲但道場廢墜求復之上乃賜額詔
還山由是建寺右為東一志放生池松風繡谷亭東泉又為
涅槃臺故佛眼璞公二祖師相繼來說法大滄師亦因落髮

叱古名利也 明潘廷易詩梵宇深沈萬象含千年雄勝七

閩南好山拔萃環滄海古樹籠陰護翠嵐 眠危巢看是兩

僧持戒行自成三投簪欲結他年社先為留題起話談 廷易永嘉

人 聶豹詩隼旗偶過招提境釋子倉皇亂打鐘芹煮齋厨

方午餉苔侵雄殿自春風嶺邊松樹雲屯綠竹外桃花日放

紅 不 撇柴俱是相梵王 不 亭只談空 翁清江人福

建巡按御史

松山在三沙之南唐乾符中白水仙陳蓬居此古讖云東去無

邊海西來萬頃田東西沙逕合朱紫出其間 國朝永樂間

徙置烽火門水寨有武才數人鎮戍遂應其讖宋陳蓬題所

居有竹籬疎兒浦茅屋漏通星之句松山東南海中有山斷

與曰火焰嘉靖已未叅將黎鵬舉迎敵倭寇於中流大破之
明傅汝舟松山觀海歌松山不放海水過坐與潮收爭咽
喉海門鼓角動地送不覺到我松山頭風沙冥冥水在下濤
浪滾滾天真浮一日可見九萬里寸心遙飛十二洲未知尾
問采安在祇見萬水皆兼收將軍指我認絕域日本西戶東
琉球金銀樓臺色隱見笑談彼是仙人邱客中如此得大快
身外何止消百憂 叅議黃希憲詩風清萬里海潮平雲擁
貔貅壯郡城天外烟浮千樹影雨中篷動五湖晴鞭蒲撫字
思劉老擊楫澄清媿祖生舉日瘡痍猶未復繪圖還擬達神
明 謝肇淛登松山百尺危峯亦上浮芙蓉片斤俯沙洲歸

潮漁網時初晒絕島嵒

已未收石壁孤懸烽火夜銀濤高

捲海門秋年來卧治無事

坐看滄波萬里流

瑞巖寺在水坑嶺邊石方廣十丈餘二石相疊搖之可動有棋

盤仙人足跡又名仙人岡五代唐清泰元年僧原智建寺

國朝正統九年僧惠玩修嘉靖初僧定輝重修 明謝肇淛

瑞巖寺城東十里皆海色 日昏羣峯散空碧千村島樹瘴烟

青一片梨花曉雲白曉雲微雨東風冷歷盡平疇復高嶺曲

澗時聞暗瀑聲小橋斜度行僧影琳宮碧瓦敞諸天法堂流

水環平田半藏金經殘貝葉千年石柱繡苔錢萬竿寒玉大

如斗老榕盤空根未朽四圍山色倒瀟濛坐覺清涼遠塵垢

春日遲遲暖不流
嬌絲急管調箏篴
紅粧一曲浮雲捲
落葉瑟瑟疑高秋
秋去冬來日短暮
富貴還如草頭露
高歌痛飲騎馬歸
暝鴉啼上冬三樹

秦嶼在州東十都並海有車鎮塵居繁盛其人樸茂又有赤岸文崎高羅漁陽俱沃壤大令有千戶所柘陽多勇士

棲林寺在十六都崎五代晉天福三年僧了悟建 宋王十朋

詩我如倦鳥欲棲林喜見禪師棲處深家在梅花小溪上一

枝聊慰北歸心

十朋溫州樂清人知泉州路經福寧

太姥山在州東北百二十里舊名才山容成先生嘗棲之峯下石坪石臼石杵尚存王烈蟠桃記堯時有老母業種藍既而

仙化因呼太母漢武帝命東方朔授天下名山文乃改母爲

姥山有三十六奇唐開元三十年都督辛子言自越泛舟來

聞止宿海上夢采衣元冠現 王而前曰某神吏味爽仙姑之

蓬萊屬某爲先驅中丞泊舟當路幸移舟既覺移舟瀑雨洪

濤少頃澄淨雲霞絢綵有鸞鶴簫管之音子言圖錄奏聞元

宗張圖華募樓宣示諸生宰輔勅有司春秋二祭仍禁樵採

唐時有里人林嵩記宋時有里人楊楫嘉定中靈峯寺記山

下有藍溪寺前有蒙井有畝港皆名勝 唐許合之太姥詩

揚靈窮海島選勝訪神山鬼斧巧開鑿仙踪常往還東甌冥

漠外南越渺茫間爲問容成子刀圭乞駐顏 宋劉鎮太姥

山袞袞千山入馬蹄山遊回首日平西人從杜宇鳴時別天
向兼葭盡處低白鳥得魚閒釣艇黃蜂抱蕊開花枝好將老
毋山前路付與孤猿自在啼 鄭樵蒙井詩靜涵寒碧色瀉

自翠微巔品題當第一不讓惠山泉 薛文嘉藍溪八景詩

萬仞巖山翠色微乳鴉啼散夕陽西短簑黃犢溪頭路款乃

聲中綠樹低 陳嘉言太姥墓吾聞堯時種藍姬世代更移

那可數帝堯朽骨無微塵此間猶在堯時墓墓中老姬知不

知五帝三王奚以為狼貪鼠竊攫尺土窾木未枯已易主君

不見仙人掌分明指取青天上騎龍謁帝大羅天不逐華蟲

挂塵綱又不見石棋盤人去盤空局已殘當時勝負此何有

爭先奪劫摧心肝請君絕頂試披寫左望東甌又東冶山川

不見無諸搖但見烽烟遍郊野野老吞聲掩淚哀茫茫滄海

生蓬萊 元陳陽極白雲菴緣岡躡丹崖東風挽搖草飛鳥

時往還山間白雲老 陳陽純妙香菴畫棟翬飛鎖白雲幾

看瑤月自黃昏龕燈未滅僧初定風挾潮聲到寺門 明傅

汝舟遊太姥名山多石門太姥奇莫狀相當開闢來必有萬

鬼匠驅雷運大斧劈此千仞嶂大石架不如小石巧相倣乍

看怖欲墮諦視反牢壯一夫過僅容雲至不能讓初從俯身

人棧級屨下上天容漏日微龍井滴泉旺暗折展復光九門

遞趨向出門見石峯秀色九天望一削到地平匪持取屏嶂

霞古盪成痕真骨固無恙老樹多生芝幽泉亦成浪好鳥時
出遊於人每和撞居然見閭闔果爾闖蓬閣始知東方生圖
記語非妄 錢行道謁太姥墓太姥藏真處丹霄第幾重
名因漢改古蹟自堯封樹黑啼山鬼潭腥卧鉢龍鐘離爲
侍已化白雲峯 又登摩霄絕頂宿白雲精舍梯雲萬折上
蹇峩咫尺烟霄坐可摩峭石定知妨月御飛泉直欲挽天河
僧空色想看花落客悟聲聞聽鳥歌若使仲連來此地不教
東海踏滄波 習靜閒房對法筵欣逢惠遠證三禪同炊白
石煨雲母白煮寒泉試月圓 下夜鐘聲清萬籟半空竹色晦
諸天山中一宿心如水清盡紅塵四十年 史起欽太姥羣

山温麻尋勝地太姥更留名擁衛羣峯合參差古樹橫穿雲
看過鳥激石聽鳴泉踏遍丹崖路留題聊訂盟 又金峯菴

綠環僧舍竹便是隔塵氛玉嶂圍空翠金峯掃亂雲石扉天

自設古木樹高分欲盡登林興疎林挽落暉起欽鄞州人
萬麻中知州

徐啓東次步步層崖入幽棲隔世氛到山金作字對面嶂爲

雲雙石重門鎖孤菴萬竹分臨行遲去馬猶自醉斜暉啓東
上虞

人工部主事
左遷州同知謝肇淛大龍井危極斷復連抱石出層巔路

絕縋藤下崖幽秉炬穿風雷轟白日苔蘚起蒼烟欲取瓊珠

去神龍恐未眠 又巖洞贈慶和尚春風萬壑散晴烟躡棘

攀蘿鳥道邊恠石疊成空外色懸崖穿破地中天洞蒸嵐氣

時時雨路遶峯頭處處泉
茆榻竹房人不到老僧長抱白雲眠
又金峯菴蒲菴石室倚崔巍
巖瀑潺湲曲磴迴百畝翠雲寒
玉滴半窗黛色錦屏開
道流伏火留丹竈野鶴窺人下玉臺
避世山中忘日月落花流水卽天台
又宿摩霄菴萬壑空青敞梵宮
下方一氣俯溟濛昏鐘半落天河外
返照全低碧海東
苦竹半窻山鬼語寒雲一榻老僧同
松風吹醒遊仙夢身在瑤臺積翠中
陳五昌巖洞菴天開石洞嶂芙蓉
紺殿深沈響暮鐘
烟暗竹園眠錦雉寒生松塢起蒼龍
行當峭壁應無路望入層崖更幾重
最是此中空世諦小橋流水坐高春
又御風橋盤旋鳥道聳虛空
隔斷摩尼頂上宮橋

自容成驅石駕路從太姥關
山通雲橫翠壁來天際日照紅濤出
海東羅列危峯千萬態一聲長嘯御微風
周千秋白箬菴叢林寂寂背摩霄
十里尋源鳥道遙白箬數椽雲際寺
清溪幾曲竹間橋籬疎春暖花依砌
洞古烟深樹挂瓢塔下殘碑荒蘚合
開山惟記自前朝崔世召龍井玉華
巖井蟄龍蟠石角藤踪百級難
曲竇雲依僧火下澄潭霜逼客衣寒
仙姑頌呪降秋水野老呼雩上灌壇
坐許忽疑風雨動飄珠隱隱照飛湍

龜湖寺州北柘陽湖在山巔
相傳湖水視海潮盈縮龜如巨石浮
海而來僧以飼虎遂化爲石後唐清
泰元年僧原智建寺

有息心亭覺心橋挹翠軒寺廢址存石柱石槽移巖前院

飛來山州西北百二十里高峻軒豁相傳有異人修煉俗呼仙

洞里人謝伯陽詠爲八景 謝伯陽飛來洞詩蓬萊海上清

涓涓此山比之何其然冰厓六月洒秋雪芝草九夏浮晴烟

當林亂木不知數石洞仙人在何處借問吹簫橫紫霄疑是

當年遠飛去 又東嶺樵歌鳥聲嚶嚶幽谷春伐木聲落東

溪雲溪雲與我心相逐世上諸人徒紛紛紅塵日月轉雙轂

我自樵歌出林麓千年不見爛柯人半嶺烟霞鎖芳綠 舒

時勉詩龍蟠紫府雲生石鶴守丹爐火未灰兩翼烟霞連鳥

與四時風月滿樓臺 陳迥三台石室詩三峯鼎峙宛三台

石室雲屏透選開知自鴻濛分野後却從海上駕山來桃花

流水非人世古木喬松雜草萊俗轍不來塵不到洞門終日

掩莓苔 鄭渠詩三台石室碧重重踏破烟霞有路通覆選

松閒丹竈冷採芝人去石門空一溪流水鳴寒玉兩岸桃花

笑暖風幽興頗關黃老術藏修無地問喬松

邱允墓在馬鞍山壽龍岡又名南山政相里民婦以夫死鬻地

將立券夜夢一紫袍金帶乘白馬立岡上以鞭指之此邱十

郎地勿售他人詰旦神其事里人邱叟哀而償之卒葬其地

俗呼邱金紫墓允官朝議大夫嘗廬父墓卒耐葬龍山盡處

靈泉寺在四十都宋乾德五年僧寶公建 元陳陽至詩夜汲

清江籟不譁大瓢貯月沁胡麻人間春色僧無分一任東風
過落花 陳陽極詩白雲深處寂無譁香積惟餘一飯麻出
定不知春幾過淨瓶花落點袈裟

州南四十五里與長溪合 宋福清林仲嘉詩山澗清連

溪溪長絲遶城規模唐故郡絃誦皆諸生 白日經簷短風
霜吹寒衣梅梢驚歲晚沙際有春歸

福安縣本唐長溪縣西北永樂二年二鄉舊名咸陽坡宋淳熙

間置縣屬福州元升長溪為州縣改屬州 國朝洪武二年

州復為縣並屬福州府景泰六年析縣十一都等里置壽寧

縣成化九年陞福安州縣仍屬州編戶四十八里東至州

杯溪西至政和赤巖南至寧德飛鸞北至泰順縣廣一百五
十里袤二百里

展山在縣東北脈自東山龍從東郊來既延袤西北郊為官埔

菱杯二山入城屹立縣治負焉如斧依曰金曰龜湖曰雙髻

雖各方隅其實一山陂陀起伏名稱乃別

黛凝寺唐咸通二年建又天福西林寺宋建成化間重建 陳

于震詩好山宜晚更宜秋紫氣林巒雨氣浮豪興未窮千里

自欲從山上起高樓 樹木傾崖鶴外灘竹兜乘雨過青山

斜陽暫借禪林宿博得浮生半日閒

龜山寺唐開成二年建初蔡柳二師入閩法曹楊郁處士黃俞

施山爲寺延師居此示寂後王審知建殿奉之宋雍熙二年
賜額雍熙成化間重建更今名寺與宋儒楊復故宅伊邇朱
子於精舍論學月餘

雙巖嶺宋建炎間韓世忠討范汝爲屯兵於此唐咸通間建寺
宋王十朋詩崎嶇九嶺更雙巖遙望閩山未見山來訪神
鐘幽隱處翠微深鎖古精藍

大萊嶺與小萊聯絡數里極高峻定盜窟穴行旅患之今稍衰
息俗呼大梨小梨二嶺 明謝終十淵梨嶺詩昨下白鶴林今
登大梨嶺石級三千層疑出霄漢頂陰蹲虎豹窟晴挂虹電
影危如華岳脊勢與崑崙等十步九脇息仰視不可竟林杪

微忽明宵若窺天井風颯颯 小細雨若 牙磴道窮

始覺塵方迥一氣俯茫茫村 俗同鼃黽大治 碧際天木 中瀉

萬頃島真浮沒滅中流一舩懸盼遠神已 虛意逾騁詠

奇飽昔聞壯觀愜金景尙平累未除獨立愁方牙

羅漢寺在十七都宋天聖七年建 國朝成化十六年重建

明知縣葉充詩寂寞無隣並嵐深路不分鳥驚 院磬僧掃

竹牀雲水碓月中轉山日少後耘且從支遁室琴上引南薰

薛令之宅在廣浮令之唐神龍進士歷右庶子開元中宮僚淡

泊時事垂謬令之鬱鬱有吐冠志嘗題屋壁有曉日上團團

昔藉長闌干之句元宗見詩不悅續以若嫌松桂寒任逐桑

榆暖令之遂謝病徒步歸肅宗乾元初以舊學召令之已前
卒乃旌其鄉曰廉村水曰廉泉云宅之左故有祠縣城北亦
有補闕行祠

靈谷山太薛令之草堂唐咸通初建寺 國朝成化 八年重

修 里人謝汝瑞詩踏破烟霞度遠林梵宮高峻 白云深松

風不動山僧夢巖水能清野客心深夜樓臺浮戶上 五更鐘

磬吼鯨音空門寂寂天花雨洒却塵氛萬慮沈

甘棠港在黃崎鎮港上接東平秦溪穆溪次梅溪去

鎮門入海先有巨石為舟楫患唐王審知為語

神一夕雷擊巨石碎之遂為安流今有甘棠一

爭淵宿黃崎山 海路已絕空村人獨眠愁風復作雨始信

鹽運 司在黃崎唐權務也今徙長崎東路約驛於此監製司

佐領之

白石巡檢司在七都近徙黃崎鎮多八烟有城堡監司行部駐

節於此緣舊驛裁去故令巡檢代驛供應躡江有官渡東北

行為福山西北行為福安

穆陽在十八里穆氏聚族於斯穆與穆同音義也撫曹繆烈有

私許八咏

謝翱宅在穆陽翱字皋羽父鑰有隱德一婦翁撫曹繆烈所重

求放心齋

